

建置



邑之遷改屢矣其始蓋嘗並建其後乃從併省而封域曠遠獨理為難今茲分析實符古始至常熟之名或謂始自齊梁蓋據范文穆吳郡志陸澄吳地記於正史無考今以隋書為據縣稱常熟以原隰異壤水旱不能為災歲得常稔也一稱南沙鄉至東晉改縣也又稱虞山以虞仲得名稱海虞縣東北濱海也一稱琴川以城中琴河有七也分邑為昭文則又以文學故里取義

禹貢揚州之域

周吳國北境地

秦會稽郡吳縣地

元和郡縣志秦置會稽郡於吳

常昭合志

卷之一

建置

一

漢有虞鄉

慶元志云漢會稽郡吳縣有虞鄉

後漢吳郡吳縣地

元和郡縣志順帝永達四年割浙江以西為吳郡 又云東

漢吳縣地

置司鹽都尉於南沙

通典云漢置司鹽都尉於海虞西北南沙鄉

吳南沙名沙中

吳志註云孫權時合莫舉火西陵三鼓竟達吳郡南沙

黃武中置虞農都尉於虞鄉

吳地記云吳析吳縣之虞鄉置虞農都尉

晉以虞鄉爲海虞縣屬吳郡

晉書地理志云吳郡十一縣吳嘉興海鹽鹽官錢塘富陽桐廬建德壽昌海虞婁

太平寰宇記云晉武帝分吳縣置海虞縣屬吳郡

割南沙鄉屬毗陵郡暨陽縣

宋書州郡志晉平吳立暨陽縣割南沙屬之

南史太康七年十二月己亥毗陵雷電南沙司鹽都尉戴亮以聞

東晉割海虞北境立郟胸利城三縣尋移去

常昭合志

卷之一

建置

一一

晉書地理志云永嘉之亂流人相率過江淮元帝並僑立州郡以司牧之割吳郡之海虞北境立剡胸利城爲南東海郡輿地志云晉元帝以海虞北境之土山立利城以處流民宋書州郡志云晉穆帝永和十一年移郡出京城口郟等三縣亦寄治於京文帝永嘉中郟利城並爲實土以南沙鄉爲南沙縣屬晉陵郡

太平寰宇記云成帝置南沙縣屬晉陵郡

通鑑云晉成帝咸和五年趙將劉微浮海寇南沙都尉許儒遇害進入海虞

晉書載石勒傳晉將軍遂寇南沙海虞俘獲五千餘人

通鑑注云今常熟縣福山鎮之地卽東晉之南沙

顧祖禹方輿紀要云支塘距縣四十五里其地卽南沙廢城
宋因之

宋書州郡志吳郡海虞令晉太康四年分吳縣之虞鄉立晉
陵郡南沙令本吳郡司鹽都尉署晉成帝咸康七年罷鹽署
立

齊因之

南齊書州郡志云海屬吳郡南沙屬晉陵郡

府志海陽廢縣在縣北永和初移剡朐利城出京口蕭齊於
其地置海陽縣晉陵郡

常昭合志

卷之一

建置

三

梁屬信義郡

梁書天監六年分婁縣置信義郡領海陽前京信義海虞興
國南沙

以南沙縣置常熟縣

元和縣郡志云梁大同六年以南沙置常熟縣
太平寰宇記同

舊唐書地理志云梁置常熟縣今崑山縣東一百三十里常
熟故城是也府志云按今縣在崑山西七十里舊縣當在崑
山西北舊唐志作東恐誤

陳因之

隋書地理志云梁置信義郡隋平陳始廢

隋并海虞等縣為常熟縣屬吳郡治南沙城

隋書地理志云吳郡統縣五吳崑山常熟烏程長城 又云

常熟舊曰南沙隋廢信義郡并所領海陽前京信義海虞興

國南沙入焉

舊唐書地理志云常熟縣隋治南沙城

開皇九年以常熟置常州尋復為縣屬蘇州

元和郡縣志云隋平陳廢晉陵郡於常熟縣置常州因縣為

名 又云改吳為蘇州後割常熟縣入焉移置常州理於晉

陵縣

常昭合志

卷之一

建置

四

唐屬蘇州為緊縣治海虞城

太平寰宇記云貞觀八年以蘇州領吳城崑山嘉興常熟四

縣

唐書地理志云蘇州吳郡縣七吳^望長洲^望嘉興^望崑山^望

常熟^緊海鹽^緊華亭^上

元和郡縣志云常熟縣緊南至州一百里本漢吳縣地武德

七年移理海鹽虞城今縣是也

九域志云常熟縣在蘇州北七十五里江南通志云是移治

故海虞城地

陸道瞻吳郡記云海虞縣北六里有虞山

梁唐晉漢周皆屬吳越

五代史職方考云自浙東西十三州為吳越譜云梁吳越唐吳越晉吳越漢吳越周吳越

江南通志云五代時縣屬蘇州為吳越錢氏地

通考闕載

昭文縣志云天祐元年吳越錢氏置都水營田使募卒為都號曰撩淺復設開江營卒千人統以兩指揮一駐常熟

宋屬平江府為望縣

文獻通考云政和中升蘇州為平江府

宋史地理志云府江府領縣六吳望長洲望崑山望常熟望

常昭合志

卷之一

建置

五

吳江望嘉定上又云平江軍節度紹興初節制許浦軍

元豐九域志常熟以緊縣為望縣

太平寰宇記府東北至常熟縣界三百二十九里

元升為州屬平江路

元史地理志云平江路州四崑山州中常熟州中吳江州中

嘉定州中又云常熟州唐以來為縣元貞元年升州

明復為縣屬蘇州府

明史地理志云洪武三年復州為縣改平江路為蘇州府領

州一縣七吳長洲吳江崑山常熟嘉定太倉州崇明又云

萬曆末避諱改曰嘗熟

南畿志宏治十年析常熟雙鳳鄉隸太倉州

國朝雍正二年

世宗憲皇帝以蘇松常三府屬縣之繁者令難獨理詔析之而常熟析爲昭文縣中分其城迤邐而東薄之海屬昭文昭文者子游文學鄉里梁蕭統讀書選文處故納名焉分隸蘇松承宣布政使司蘇州府定常熟爲繁疲難題缺昭文爲繁難選缺

兩江總督查弼納等疏分大縣以收實效事奉

旨九卿會議議得江南爲財賦重地而蘇松常三府之州縣尤爲劇一州縣之錢糧多者至四十餘萬少者不下二三

常昭合志

卷之一

建置

六

十萬兼之民情巧詐訟獄繁多爲牧令者卽有肆應之方亦難治理今該督撫請將蘇州府屬之長洲吳江常熟崑山嘉定五縣太倉一州松江府屬之華亭婁縣青浦上海四縣常州府屬之武進無錫宜興三縣凡十三州縣各分爲二夫以難治之地責之一人雖長才不能兼領分而爲二但勤職卽可奏功此誠因地制宜之良法也應如該督撫所請奉旨依議欽此

禹貢揚州之域天文斗宿星野蘇郡皆斗六度星紀之次常熟昭文入斗六度二十九分起至六十分六十度盡入太倉嘉定界

按星野書迄無定論州縣限於方隅近志概從其畧今遵前志分野歸於沿革後蓋體國經野而後天文度數可分也

國朝邑人汪宮贊應銓辨證

宋縣志載梁天監六年以南沙海虞二縣隸新立之信義郡大同六年改南沙爲常熟常熟縣之名自此始邱山甫重修琴川志敘復引陸澄吳地記謂齊代已有常熟之名不始於梁吾以爲皆非也宋書州郡志吳郡太守領縣十二海虞令晉武帝太康四年分吳縣之虞鄉立晉陵太守領縣六南沙令本吳郡司鹽都尉署吳時名沙中吳平後立暨陽縣割屬

常昭合志

卷之一

建置

七

之晉成帝咸康七年罷鹽署立以爲南沙縣齊志則揚州之吳郡有海虞南徐州之晉陵郡有南沙梁書不立志其所改州郡縣見於本紀者畧矣宋縣志作於千餘載後何所援據斷以常熟縣之名始自梁也齊志謂揚州帝畿望實隆重南徐內鎮優重桑梓帝宅而海虞南沙之名皆仍其舊不應已改常熟而史有關失後人又何妄有稱引以爲齊化已改名也隋書地理志吳郡統縣五常熟舊曰南沙梁置信義郡平陳廢并所領海陽前京信義海虞與國南沙入焉若齊梁之世業已改南沙爲常熟又何以云舊曰南沙也梁書雖不志州郡而其所置信義郡及所領六縣業已見於隋書若六縣

之外別置常縣又不當云改南沙爲常熟也梁統六縣爲一郡隋并六縣爲一縣又何以獨云南沙所改名乎六縣之中海虞南沙之外海陽又已見於齊書獨軼常熟之名至隋書始著以爲史闕文有是理乎吾故曰縣之名始自隋以爲始於齊梁者皆非也舊志又謂梁分婁縣地置信義郡其說本范文穆吳郡志吾又以爲謬也宋書謂婁令漢舊縣而漢志婁有南武城闔閭所起以候越蓋不可考要其地在今崑山東北而隋志崑山與常熟並列梁世已有崑山無信義而隋所併入常熟之信義又何縣也依是而言婁之併省應入崑山與常熟不相及也明矣婁縣在班志崑山在隋志而范云

在漢爲膠縣避錢鏐諱改崑山曰婁治而范云王莽改名其不可徵信如此吾嘗論吳郡志爲文穆未定之書此其一節耳舊志又謂隋分常熟地置常州移治晉陵晉陵卽今無錫此謬之尤者隋有晉陵有無錫不得云晉陵今無錫置常州廢信義爲常熟皆在平陳時不得云分常熟地置常州也晉元帝嘗割吳郡之海虞北境僑立七縣又不得以常熟兼并六縣疑其疆域太廣必當析置他郡縣也又考常熟之幅員合之隋世東屬於海北枕大江其南則隋之吳縣其西則江陰東南則崑山西南則無錫自隋至今不改吾故曰信義郡所領六縣之地皆今常熟縣地旣非分婁縣置亦未嘗析置

常州也唐以後歷然可考不復論

常昭合志

卷之一

建置

疆域

周禮惟王建國辨方正位體國經野王制量地以制邑度地以居民地邑民居必參相得形方氏掌邦國之地域而正其封疆無有華離之地古聖人經世大旨也常熟宋爲望縣元陞爲州明復爲縣中葉割雙鳳鄉入太倉州今復畫分兩縣昔日疆域與現在分析形勢必使判若列眉俾司民牧者同城而治畫疆以理若網在綱有條不紊焉

縣境定於隋開皇中至明初計地廣九十里袤一百里東至甘草抵大海一百四十里西至感化鄉鄧莊村抵江陰界四十二里南至歸政鄉吳塔村抵長洲界三十六里北至福山港抵常昭合志

卷之一

疆域

十一

大江四十里此縣境之四達止也東南五十里入崑山縣界曰花瀆口東北一百有十里入崑山縣界曰浪港浦西南五十里入金匱縣界曰界涇關東北七十二里抵許浦西北六十里抵江陰縣界曰浴瀆港亦曰赤岸此縣境之四隅止也嘉靖十七年再定太倉崑山常熟境東至太倉州十六都其界曰潘涇至十五都其界曰瞿塘東南至崑山縣二保其界曰淘沙涇東北至六河墅其界曰鐙腳浦凡廣袤五百十有三里

國朝雍正四年分立昭文縣剖定疆域北出鎮海門循福山塘近謝家橋折而東入坊浜北趨耿涇東爲昭文西爲常熟東

出迎春門通河橋陳范兩市以河爲界東南至戈莊七星橋以東西分界又東自新闢至鮎魚口南北分界又東南至蓮涇李墅進山涇又東西分界自山涇西由石脾灣出七浦又南北東界達崑山縣其城內則自鎮海門南逾通江橋至炳靈公廟南循大街入東子游巷逾醋庫橋歷河東街顯星橋跨塘東至迎春門水關左爲昭文右爲常熟

形勢

附

山長而水遠泉甘而土肥

宋沈炯乾元宮記

常熟北枕大江東漸瀛海實惟府治後戶經畧疏密厥係匪輕

明瞿景淳重築常熟縣城記

常昭合志

卷之一

疆域

十二

福山東通海北枕江與通州相直爲控禦要地縣境之門戶吳

郡之重險也

方輿紀要

國朝邑人陶編修貞一分縣條議

分縣之條議聞諸道路曰地有肥瘠必配搭而後均愚竊惑之爲是說者爲夫西鄉之有高區而欲割以分屬也邑之東西其北境皆有高區而東鄉又獨多低區割西鄉之高者與東亦應割東鄉之低者與西不割則仍不均割則取田土而瓜分之有是理乎凡東西之高區不同而所以蓄水宣洩之道則一往者蘭陽耿侯嘗大興水利著有成書案而行之則變瘠爲沃在指顧間而常熟之名可以不虛今以是屬望於

賢父母而首以畏難避就爲說是以細民分囊之智而爲體國經野之規何其謬也議者徒見連旱四年西鄉被災較甚故視爲畏途設有不幸連歲遇澇則東鄉之爲害亦何異西鄉乎水利修則高低皆可熟水利壞則東西皆可虞不此之問而但顧目前斯亦愚矣然此猶未究極其害也今農家治田同段異邱猶往往以爭水起釁若瓜分兩屬則數里之內便如秦越人之肥瘠而界上之爭其何已時卽有耿侯其人欲爲民與利而咫尺相牽難以措手其或遇災請命亦必觀望推諉此其爲害豈可一二計歟且制府建議分縣固謂分則事減若疆界錯襍姦宄必多每一事發動須會勘至於命

案跬步可移東訴未伸西控已至文書紛然奔走不暇兩縣胥役接跡於途從此民間無寧宇矣欲事減而適得紛擾此尤大害也常邑都圖甲分多至數千東西兩分業多更換如更錯縱互置則所在破圖易甲當此辦漕控惚欲以旬月之間推收量丈胥吏因緣作奸隱占飛灑一二萬金錢必歸若輩之壑而叢弊滋甚所謂治絲而棼之也此又目前之害而正蠹吏之所禱祀而求者歟然則爲配搭分割之說者其出於猾蠹無疑矣不佞竊謂天下事本有不能盡均者今分縣爲兩猶以一府而分數縣也推而廣之猶以天下而分十五司未聞以雲貴之瘠分配江浙之饒何則地勢固然非可強

同也爲國家牧小民就令高下迥殊亦惟所命之况如吾邑東西互有肥瘠大畧相當今止就詳憲原圖稍加損益卽未能銖兩無差然亦不甚懸絕君子爲政務宏大綱而不必算及米鹽務規久遠而不必爭於目睫惟執事深察地方之所便安而毋惑於猾蠹之說謹條分縣事宜如左

一議大勢常邑地形北高南下高者苦旱低者苦澇必高低不甚偏枯庶水旱各有救濟利以東西分不利南北分若交叉搭配不問而知其不可

一議疆界體國經野疆里爲先必得大勢方幅界址分明則管轄易而姦弊少宜北自耿涇海口爲界南入坊浜出福

常昭合志

卷之一

疆域

三

山塘至北水門南出小東門外河涇戈莊西南出昆承湖沿湖而南轉東入洋浩涇史家浜南入廟涇又東至儒家浜又東至羅家浜南逕唐墅入尤涇出斜堰抵崑山界

一議城廂倉廩兩縣旣以東西分界在城亦如之當就通衢勒石使平直易曉不當仍以圖分分參差錯互致臨事推諉姦民得以避就邑中原有東西兩倉各就便分管至濟農一倉向爲春辦白糧之所應照舊公用

一議湖山常邑東西兩湖濱湖舊有敵樓設立巡船防緝盜賊應東西各轄其一華蕩與西湖相連鎮山全在西城並宜專歸西縣

一議市鎮常邑大鎮有四在東者曰梅李芝塘在南者曰唐墅在西者曰田莊其他二三百戶者東西錯雜不下十數西縣原議止有田莊一鎮今酌以唐墅之河西益西縣戶口大畧相當而黃涇以東尤涇以西水田二百餘頃亦應西屬以補瘠區

一議沙洲常邑在江海之交東曰薛家沙在海中去岸八十里西曰福長壽沙在江口去岸十餘里薛家沙應屬東縣福長壽沙應屬西縣不特地勢宜然而薛家沙糧重累多福長壽沙糧輕累少以薛家沙歸東縣庶與西縣高區相準

常昭合志

卷之一

疆域

四

一議賦稅常邑舊以四科起則而灘地山塘附焉大抵近海者爲高區地瘠而糧輕近湖者皆低鄉地肥而糧重濱海分轄則高鄉均而旱災則西縣爲甚兩湖分屬則低鄉均而水災則東縣較深如欲有利無害必如耿橘之書大興水利而後可否則勢有不能如欲尺寸而計之必使錙銖不爽亦非愚之所能知也

一議差役常邑僻處海濱本無他役惟煙墩馬路時需修葺或遇海上巡閱例應供備必得彼此適均方無偏重今以耿涇爲界則煙墩四十二座各得二十一座馬路一百三十里各得六十五里最爲均平不可移易

城垣

城垣例入有司交代冊督撫歲終彙奏案凡承修令甲定為保固三十年又酌定保固限內之工地腳陞陷整段倒塌責成原辦賠修每年間有些小損缺數在百兩內外現任即自行修繕完整

國家綢繆戶牖之至計也邑濱江海尤資設險常昭同城而治門管分司隨時粘補屹若金湯至福山城駐搭專閫控扼防江動帑修築與縣城並重其他舊城或尚存形址或僅留名目列入古蹟

縣濱江控海為郡北門鎖鑰在昔並建故跡已不可復考唐武

常昭合志

卷之一

城垣

五

德初始遷虞山之下案祥符圖經城周二百四十步高一丈厚四尺列竹木為柵無樓堞之雄宋建炎中令李闔之始建

五門曰行春秋報承流宣化介福城郭之制畧備而琴川志

已云今不存矣

鄧志稱元時城周一萬四千八百餘丈計之當得六七十里此必不然之事蓋流傳之誤

昭文志引桑志云亦然

至正十六年張士誠由福山港入寇遂據全吳

以常熟為要害贅為磚城圍九里三十步高二丈二尺厚一

丈二尺頗稱完固其後漸圯永樂中歲大祲饑民相率盜城

磚易食令弗能禁成化中東西尚有遺堞考宏治間縣治新

圖南曰阜民北曰通江東曰行春西曰秋報東南曰阜安西

北曰望海至嘉靖間則城址夷為平地三十二年倭入寇知

縣王鈇始重築之有富民輸四萬金倚以集事經始先成一丈以準其費費三十兩有奇六分凡五月畢工周一千六百六十丈高二丈四尺內外皆有渠外渠之廣倍於內惟西北環山而垣無水關城門凡七東曰賓湯西曰阜成南曰翼京西北曰鎮海東南曰迎春東北曰望洋在山巔者曰虞山門厥後以形家言塞之萬厯中知縣張集義增城陴加女牆知縣耿橋易城門之名東北曰鎮海西北曰鎮江山嶺曰鎮山國朝雍正三年分建昭文縣自鎮海門東厯賓湯門達迎春門屬昭文縣境自鎮海門西厯鎮江門鎮山門阜成門達翼京門屬常熟縣境兩縣分任修葺

常昭合志

卷之一

城垣

夫

福山城周四里明嘉靖三十四年侍郎胡宗憲平倭後設副總兵駐福山港明史知縣馮舜漁築城萬厯間知縣楊漣修邑人翁憲祥有記後改設把總防江

國朝順治初仍設副將後改守備十六年改福山營遊擊鎮守隸常熟境乾隆三十年知縣敬華南領工料銀三千八百八十八兩零重加修建

國朝歷年修城成案

順治八年署知縣石映星詳請於田畝上增釐修大東門塌城三十丈 十六年知縣周敏照前例修南門十二丈北阜門十五丈五尺 康熙九年知縣于宗堯修西門坍塌城共四

十九丈一尺勸捐不足請支解費接任知縣林象祖完工
十九年修東西坍塌城共一百十四丈時糧道劉鼎捐銀二百
兩知縣林象祖接任高士鷄捐一百三十兩紳士商典共捐
一百兩又收西山真武殿香錢六百四十五貫奏辦完工
二十四年坍塌城支解費修葺 四十四年知縣黎龍若修大
東門坍塌城三十二丈六尺紳士商典公捐不足問罰完工
四十七年坍塌北水門二十七丈西門十八丈北旱門十八丈
并各門鼓樓水關共估銀三千六百餘兩詳請公捐罰贖修
葺又奉道撥給兩倉私收四文挑錢四百兩二錢七分完竣
北水門北旱門兩處事在署印海防同知黃尚寬郭朝祚知

縣章曾印任內至五十七年知縣馬暹五十八年署印同知
張其仁照例用公捐問罰修完西門五十九年邑紳邵韡捐
修西門小東門水關 乾隆二十八年知縣敬華南領工料
銀四千一百二十七兩零修縣城又捐修護城礮岸自西關
起至南關止共一百八十七丈工料銀四百七十二兩
雍正三年分縣昭文分轄自小東門鼓樓起由大東門至北
水門水關止知縣勞必達領工料銀共二千九百八十二兩

九錢零於雍正六年重修

昭文志

昭文志附辨縣城基址考

按武德始遷之城在虞山南去山六里見陸道瞻吳郡記其

騰山而城前志不著所始或謂始於倭寇時王鈇所築非也邵圭潔築城議云城加於山古人守禦之深計蓋外崇內卑則客兵一至或憑高以窺虛實何以爲蔽或據險以肆攻擊何以爲守有城猶無城矣故據山所以固一城者也城築於嘉靖三十二年邵爲嘉靖間人而云古人守禦之計明不始於王鈇矣

桑瑜志載縣境舊圖山上極目亭乾元宮俱列圖內又姚廣孝經常熟詩云城半在山高沈似潛詩云十里青山半入城俱在王鈇築城前也以意度之騰山爲城殆必始於張氏張士誠據吳此地最爲要害今山頂有藏軍洞演武場皆其遺

跡啟虞山門而出取道良便守禦之方固其所熟籌者矣

風俗

舊志風俗一門大都前後相襲惟恐觀者有所觸忤揚美
隱惡而已惟管志惡俗八條指斥不避時忌然風俗與化
移易卽桑鄧錢陶陳五志立說已不勝今昔之感就一邑
中城鄉互異各鄉中剛柔異宜是在操風化之權有表率
之望者轉移風俗不爲風俗轉移庶幾日進於古焉

桑氏瑜志曰尙退遜好文學務農業喜遊覽崇信鬼神

鄧氏韞志曰海虞居江之南其地下故其人柔而鮮爭其土浮
故其風蕩而鮮制不爭則近於遜讓鮮制則流於侈靡又曰
地廣而宜稼民皆事耕殖地臨湖江饒魚鱉人多事漁罟其

常昭合志

卷之一

風俗

五

婦女積麻枲以爲布又曰有明之初吳以最後歸附民皆畏
慎斂戢歸於醇朴迨天順成化之際民稱富庶頗以矜侈相
高不免腹削鉤致以遂其私迨明季崇棟宇豐庖厨溺歌舞
喪葬嫁娶任情而逾禮者有之矣

錢氏陸燦志曰昔之事詩書者誦讀聲比屋相聞膠庠士恒滿
五六百今則應童子試不逾數百人舊家文獻凌替單寒或
有過而侮易之者矣鉛槧家雖多好古探索皓首窮經然子
弟之不率教不終業者往往而是旣不操耒耜執斧斤躬負
販則秀民流爲惰民有自來矣又曰水旱頻仍杼軸其空大
非曩時奢華之習卽號稱素封亦自節衣縮食仰奉征輸而

不繼又曰居家禮儀畧仿古制喪禮則往時生芻之外非親故不陳奠而姻亞則設祭筵侈甚孝子亦以多致弔客盛列佛旒爲慎終今則力不能及無復昔年糜費獨是卜求吉壤積歲月而不葬非禮也或有從吉舉殯非禮也祭禮則家自爲薦宗祀尸饗敬宗收族之義莫能講求至若田家報賽若以祈年祝苗乃迎神集會漫衍軍儀塗飾厲鬼之形炫駭市人之目或市井亡賴箕斂演劇構鬪傷生最爲稔虐又曰吳儂善謳競艷新聲獨常熟此風愈下老優引聚幼童教演成部攫取重價四方之梨園中必有虞產可哀也已畧販搗媒甘言誘人棄子與女輕去其鄉雖竣法嚴加而蒙恥不能革

面可哀也已又曰民畏訟而釁生於唆訟之奸徒性懦而受患於欺懦之拳勇絜縉之局於陸博場洗業傾家而不知悔陶氏正靖志曰觀前志所論則民俗之盛衰得失畧可概見其月異而歲不同者往時閭井間衣服強半布褐貴家僕隸所著不過屯絹今則夏多紗縠冬或重裘往時履韞之屬率婦女手製今則取給於市往時茶坊酒肆一邑之內不過三數處今則無處無之又自辰巳間邑士之隸選及籍成均者視他邑獨多所出不貲夫以游惰之習如彼侈競之心如此無怪乎民力之日詘而俗之益敝矣抑嘗參稽先輩文集及諸紀載前明之初禁網綦密吳士尤畏慎奉法漸摩日久下至

田夫野老皆溫然修長者之行而張修撰吳文恪尤以道德
訓型後進流風遺澤至憲孝之世未衰其後漸尙氣節示威
重於是乎有矯亢之行袖反接而目上視者多矣最後專重
文詞驚交游於是乎啟浮薄之習采春華而忘秋實者眾矣
至乃毀方爲圓行無軌迹師心自用學無師授而本末交失
矣然則醜癘之原視乎化導借秦爲喻或亦後來之炯鑒歟
又按馮氏先賢事畧稱文恪遇負薪者交相引避管氏文獻
稱公家居政令或不當輒折簡以告鄉人賴之今昔異宜或
效季稜之清高或指杜密爲口實而么膺之屬顧或軒車煊
赫攘臂其間亦蠹俗之一端也然其所由來者漸矣夫子之
聖朝憂閔元元勞來匡直之德意其必由是道乎

論治曰富之曰教之將欲整齊風俗以副

陳氏祖范集載風俗總論曰言吳中風俗曰退讓曰文學自秦
伯季札子游來也曰娛聲色尙浮夸輕心而喜事自夫差黃
歇劉濞諸人漸靡使然也雖未盡然要之其來已久班固云
江南火耕水耨民食魚稻嗃窳偷生而亡積聚而朱子記了
游祠云願復有如公者出一洗夫媮懦憚事無廉恥而嗜飲
食之譏焉似於吾邑習俗尤爲切中邑在江海之交鹽鐵之
轉輸有鹽鐵塘古置司鹽都尉潮汐可蓄洩灌溉得其利則
水旱不能害故縣得常熟之名自漢迄唐邑少聞人迨宋而

文治益盛士之治經術以文詞進者彬彬焉元時習俗侈靡
邑中高貴如陸莊曹氏城北徐氏最爲雄長園林侔於禁籞
服川僭於列侯顧雅好勝流名士金幣延致以誇詡於東南
明初吳最後服太祖奮其武怒又用剛克民皆畏慎歛戢歸
於淳朴邑有吳文恪張修撰魚開封諸人以名德清節主持
風教至天順成化之間時稱富庶頗以昌逸嬉游相尙矣中
葉以後宦家多怙勢而編戶爲所壓折不得已多役屬於宦
家以自存故其時薦紳之氣盛而平民或弗堪焉其秀民之
能爲士者萬厯後率以聲華氣誼相高尋盟結社千里命駕
貧不負諾富不易交在閩里中鞅角巾躡朱履眼高於頂負

手逍遙擔夫走卒望而却避遇細事輒發憤其傑然者亦頗
以名教是非爲己任今則異曩時矣薦紳以闔門養重爲賢
士以順時禁默爲尙而齊民各隨其強弱巧拙奢儉貧富以
成風俗得失之數有可得而陳者聞諸故老享賓或二品四
品而已今以陳饋八簋爲常供器加大味加珍衣服多布葛
冬寒絕少裘者今出必重裘以爲觀美餘時非羅綺不御矣
往時履襪之屬山女紅今率買諸市肆矣往時茶坊酒肆市
多家販脂胃脯者恒慮不售今則徧滿街巷旦且陳列暮輒
罄盡矣往時非貴顯不乘軒今則肩輿塞路矣歌酒之畫舫
日益增倡優之技日益眾婚娶攝盛之儀日益泰爲土稚桂

魄諸譁囂之物日益巧隙地皆構屋官河爲陽溝而琴川故迹益湮凡此者豈非人民富庶之效哉若夫山川清淑之氣先賢文學之遺市井之子恥不知書五尺之童率多聰雋市上春風人栽蘭蕙湖濱夜月家傍魚菱天隨之所詠歌石湖之所采掇雖無關乎善敗良有助於風騷其士民風尚節序占侯可資齊民要術歲華紀麗者附錄

昭文志曰其士上者束修自好下亦畏威避事雖貧不親負戴雖耕不操耒耜昔慎交同聲兩社盛行時多希風托響高視而濶步今則厭聲華息交遊矣至於興訛扇訟負糧扞網呼盧酗酒諸惡習向閒有之今則屏迹矣 其農西鄉地高仰

常昭合志

卷之一

風俗

三

土疆墾耕治尤勤苦東鄉高區地瀉鹵土輕熨農差逸水鄉農暇則操舟捕魚附郭農兼粥蔬菜織曲薄爲業傍山農則伐石擔樵皆不專仰食於田故卽遇荒歲猶守妻子不輕去鄉并非其有宿儲也爲謀生之方不出一途也 其百工治宮室玉石金錫之屬無擅長者惟搏土爲人物擣桂爲雜佩窮極工巧入其肆覺雕繪滿眼秋香襲裾 其商賈自他來轉販者爲多邑人率居積營生少離鄉遠販賈其私立牙店坐列估價謂之主人城邑鄉陬在在有之至於衣履有鋪茶酒有肆日增於舊嬾惰者可以不紉針不舉火而服食鮮華亦風俗之靡也 其富室前代有曹百萬徐半州之名侈靡

相尚今則盡知稼穡艱難雖富無所紛華亦鮮有至一二三萬者其起家大抵本富十之六末富十之四奸富十之一其惰游桀黠者爲胥徒俊利者爲優伶胥徒各有門戶有名籍者一人無名籍而隸其下者且數十人腰有一牌票便聲生勢長魚肉細民然亦視長吏之寬嚴爲盛衰邑中優伶四方聲黨所推讓挾技出遊或履絲曳縞乘車揭劍過其友或淪落爲人傭保吹簫乞食往而返其祭祀頗忽於祭先祖恪於祭外神外神之甚不經如五通之類今已衰息然而演劇酬神名爲敬戲二月社會百神朝集嶽廟名爲解紙三月望七月晦彞集於拂水真武殿各處地藏殿名爲進香流俗相

常昭合志

卷之一

風俗

一

沿若必不可已者其喪紀雖士夫之家必用僧道葬信風水恆失之渴貧者或以火化葬不衰麻刺書從吉迎精而返倡樂娛賓其賓朋交際雖空窮必竭力生辰爲壽致客開筵張屏書祝嘏之詞累果構神仙之景烜赫陸離以爲門庭嘉慶云其婚姻大率以華贍相高質素爲恥締姻先問其產遣嫁或罄其家迎送儀物攝盛而失於僭踰自納采今之始通媾以至反馬今之滿月雙歸其間往來縟節禮俗相半維貧甚者一帖爲定便擬過門則又以菲廢禮也其閨門不與外事貞孝之行歲不絕舉鄉村婦女農時俱在田首冬月則相從夜織支塘水紗唐擘苧布皆軋軋出寒女機也亦間有游觀之行

錦峯拂水間畫舫暫停而已 凡平民性情氣習亦喜事亦
憚事亦偷生亦輕生健訟而怯鬪貌逸樂而中戚促城郭則
貴貴而尚智鄉村則貴富而尚力

節序占候

附

立春日競看土牛結綵亭故事從迎春門外演武場迎入縣治
士女喧闐至暮是日宜晴暖寒則主水

元旦禮先祠盛服賀歲門燃爐火親朋交讌沿習屠蘇酒之義
侵晨占風雲風自東南來歲大稔東風次之東北又次之西
則歉西北有紅雲氣則稔白黑則歉

五日記五路神以祈利達

常昭合志

卷之一

風俗

三

七日爲人日晴則少疾疫

八日爲穀日俗呼上八看昴宿去月幾何謂之參星過月西則
多旱否則多水

九日爲天日興福寺僧齋天邑人多早起往觀之

上元日家和米粉爲丸曰接竈觀燈城隍廟廟中珠燈極爲富
麗街坊結松竹爲棚懸燈掛綵金鼓徹夜自十三日始以糯
穀投焦釜曰卜流蓋卜流年也

俗呼爆
李雙

夜分測月影占水旱

立尺五寸之表於地於子正一刻候之據表之長而中分之
爲七寸半者二若影適及七寸半爲中正則雨暘時若又以
兩七寸各十分分影在七寸半以下爲不
及主旱影在七寸半以上爲有餘主水

二月八日祠山張大帝誕日每多風雨釀寒

十一日爲花朝是日晴則百果成熟

三月三日眞武誕日拂水祠進香筍與踵接畫舫尾銜三春皆

然是日尤盛聽蛙聲占水旱詩云田家無五行水旱卜蛙

聲蓋指上巳日也

午前鳴主高田熟
午後鳴主低田熟

寒食簪麥清明插柳上隴兒童放紙鳶以是日止日放斷鷓

二十八日東嶽天齊帝誕日各廟神齊赴似人間頌祝華軒綵

仗爭奇炫麗凡鄉有嶽廟者皆然唐市石牌灣尤盛

立夏日煮麥豆和糖食之曰不蛙夏

四月八日釋迦誕日各寺院設齋傳經名曰浴佛會人士競往

山北夜雨則傷小麥

常昭合志

卷之二

風俗

美

十六日視晴雨以候歲

晴則水大雨則
旱惟陰雲爲佳

芒種逢壬爲梅夏至次日爲時農家占雨晴植禾苗

俗以芒種
日爲入梅

梅後十五日爲入時故芒種節氣後爲梅雨夏至節氣後爲
時雨分上時中時下時其初雨爲迎時末雨爲送時或又以

芒種後遇壬入梅夏至後遇庚出梅如芒種後五日遇壬則
梅高五尺如十二日遇壬則梅高一丈二尺度物之高下過

此則不
蒸濕也

五月五日家釀角黍飲雄黃菖蒲酒縛艾虎刻桃核雜綵組作

囊盛雄黃門貼靈符皆以辟邪小兒繫綵於臂可長壽龍舟

競渡停盃欣賞五月忌甲申乙酉日雨雨則大水二十日

爲分龍日前此雨必徧及自分龍後或及或不及若有分之

者故諺云夏雨分牛脊分龍次日雨主豐稔

十三爲白龍生日俗云白龍驪娘必主有雨

六月二十四日賞荷西則湖田東則戈莊華滙游舫頗多

七夕爲浮瓜沈李之宴婦女向月穿針取蛛合盤中有絲則曰得巧

立秋日食瓜或以赤豆七顆和水吞之以防瘧痢 是日忌雷

秋後虹見爲天收雖稔亦稍減

中元祭先特謹道書中元爲地官赦罪之辰僧舍多舉盂蘭盆會

三十日爲地藏生日東嶽行宮之西有證度菴士女進香極盛

八月望以月餅相餽遺 是夕晴雨占次年元宵陰晴良驗

常昭合志

卷之二

風俗

三

十八日往釜山觀潮云是潮生日奔濤轟立勢若排空然不恆遇

二十四日以新秫米爲糍餌祀竈

九月九日登高飲菊酒用麵和脂蒸之曰重陽糕 兒童以五色紙接爲條長一二丈粘竿首植庭戶間曰放紙條 晴則

冬無雨雪

十三日爲小重陽宜晴

十月朔再謁墓祀先是月吾谷楓林如錦遊人載酒挈榼往觀之霜降有霜則穀貴小雪日有雪則穀賤

十一月十七日爲彌陀生日早起占風

南風主米貴
北風主米賤

冬至日後逢第三戌爲臘臘前三番雪名曰三白殺遺蝗種主
來歲豐稔家春一歲糧藏之藁囤謂之冬春

十二月初一日乞人始偶男女傅粉墨粧爲鍾馗竈王持竿劍
望門歌舞以乞亦儻之遺意云

十二月八日以果肉薑桂煮粥名曰臘八粥

二十四日掃屋塵曰除殘至夕田間燃長炬名曰照田蠶各家
祀竈以燈篝爲竈神之座積薪焚之火光如晝羣集子游墓

上眺望云看萬家烟火

二十五日家戶多持清齋云爲玉皇下降日門外燃火爐焰高
者喜古謂之粃盆

常昭合志 卷之一

風俗

三

除夕祀神祭家祠易桃符更春帖畫灰象弓矢射祟象囤囤祈
年焚辟瘟丹飲守歲酒爆竹聲徹曉不絕

方言 附

人之囿於方言非特五方也同一吳語而郡邑異之鄉城異之
界於他邑之邊鄙者又異之大抵口與耳相因則或襲古義

或譌土音其所由來久矣如相謂曰儂謂不慧曰歎俗作呆謂

不任事曰縮朒漢五行志王侯縮朒謂嬉戲曰薄相薄音勃謂機巧曰儂

利鄉音譌爲還賴謂睡聲曰嗜塗北人謂之打呼吳人則曰打嗜謂

葺理整齊曰修妮妮音提唐中和二年修妮部伍謂搬運曰撻力展切南史何遠爲武昌

太守以錢買井不受錢者撻謂以醯醢物曰鹽去聲內則屑薑與桂以灑

水還之今吳語搬湯撻水

諸上而 謂指鑲曰手記 鄭康成詩箋云后妃羣妾以禮御於君所女史書其日月授之以鑲當御者著左既御者著右 爲綵悅之樂曰蘇頭 摯虞云流蘇者緝今俗亦呼曰戒指 以其樂下 謂葦蓆曰蘆蕨謂虹曰鸞 音許侯切 嘲笑人曰阿噲噲 垂故曰蘇 亦招助語詞曰子曰哉曰且 音嗟 曰那若聲之轉而爲訛者呼兒曰倪呼章曰滅呼吳曰紅呼季曰踞呼歸曰居呼王曰巷 平聲 呼彈曰團皆虞邑之方音也

常昭合志 卷之一

風俗

山

舊志稱吳山北走而萃於虞考其實不然山之脈絡蓋自
邑西北境江陰來由顧山鷺山鳳凰山鬱積磅礴至虞山
而始大其勢蓋東南走城扼其首塔鎮於前故靈秀之氣
聚而不散殆非隣境諸山所擬今縣雖分山隸常邑而昭
志並載之騰山爲城山光映照兩邑平分且同城而治均
倚山爲設險云

虞山在縣治西北一里邑之鎮也越絕書云巫咸所居則其名
最古而山海經稱烏目括地志祥符圖經並曰海禹吳郡志
曰海巫皆其別名云山多巖壑蜿蜒起伏如卧龍四望形勢

常昭合志

卷之一

山

三

各異其陽開曠如屏其陰則窈窕曲折未可以一覽盡也舊
時城枕山麓山南北道皆在城外自改廓邑城環嶺爲垣粉
堞如帶而翠巘丹崖分勝於百雉之內外矣今畧舉其概城
內東麓有影娥川世傳有見仙娥泛舟者故名琴川之發源
也相近爲子游墓仲雍墓其上爲辛峰亭峙山脊而爲門曰
鎮山旁有仙人洞其南爲昭明讀書臺下爲幽坡自此而西
多琳宮寶塔茂林奇石遠望參差如畫謂之西城樓閣而城
內之觀止矣出阜城門西二里許爲吾谷又西曰高道山居
又西爲錦峯虞山之主峯也前爲拂水巖峭壁拔起懸瀑石
間南風激之飛濺空際往往高出巖上巖之東有三沓石層

崖秀嶂豁若中劈曰劔門俗傳吳王試劔石也石上蒸刻
聖祖御書煙嵐高曠四字稍西爲南巖又西觀音巖鵝鴿峯周
家巖楊家巖岡巒起伏相望數里中而禡旗墩石壇諸蹟似
人力爲之盡西麓有泃泉洞最幽是山之南境也其北道出
鎮江門山腰有天潭谷下折而西爲桃源澗澗水琤琮雖霽
久不竭下有桃源洞夾嶺而分流者曰小澗溯澗而上有白
蟾洞西經舜過井至破山志稱昔有龍鬪而山裂故名山勢
迴合林木深秀有破龍澗中多巨石每雨盛水發衝激過澗
上石梁傳響數百步外澗旁有朱砂洞又西連珠洞又西有
五丈石又西數里爲三峯層巖繡峙埒美破山其清涼寺額

常昭合志

卷之一

山

三

爲

聖祖御書從寺後陟九里陂爲中峯爲頂山龍母峯白龍池在
其下去龍祠百步有瑞石石底懸瀑如簾曰水簾洞又有烏
目澗又西有秦坡澗鳥道盤紆叢篁灌木其上兩峯曰石門
石城則昭明所稱虛境自然者蓋指此也山陰之澗以數十
計桃源秦坡爲最山之北境盡矣凡祠宇勝蹟類見於後舊
志云山高一百六十丈周四十六里六十步

虞山上築城垣下建祠墓歷禁開採而傍山居民往往鑿
石牟利關係通邑地脈乾隆五年兩邑紳士王志學嚴鑿
言德堅陳祖范等具呈於糧道翁力言其弊時蔣氏亦以

山產白泥處所先經購買護墳請禁居民盜掘呈官經縣議詳申督撫提督以下分釘地界刊碑永禁宥戶挖鑿一碑立於西山維摩下院一碑立於北山茶亭旁各上官批飭有案

嘉慶四年紳士因山泉違禁呈縣督同原差地保自一都一圖至三圖按山口查封取結勒碑

小山在縣西北十里高十七丈周四里一百步與虞山脉勢聯屬而中限一水

福山在縣北三十六里高九十五丈長三百五十步與通州狼山對峙俯臨大江蓋東南控扼之地本名覆釜唐天寶初改名金鳳梁乾化三年改今名

壽山與福山相連又名陶山

常昭合志

卷之一

山

三

銅官山在縣北三十六里亦名常熟山

范山在縣北三十六里梁范冀居此山以是得名

小竹山在縣西北四十一里舊志云三十六里

永安山在縣北三十六里又名下范山

茅山在縣西北四十里石山在縣北三十七里

河陽山在縣西北四十里一名鳳凰山高一百二十丈周七里

山頂有天然井後有秀峯

崇德山在河陽山之南一名塔山又名箬帽山晉處士夏統宣

城太守邴臻所居

鷺山在縣西五十里與河陽山相對高九十丈周四里一百步

苑山在縣西南五十里高四十丈周五里山有墨池石堅細可
爲硯頂有石塔山人顧大棟建名報親塔

顧山在縣西北五十里高一百七十丈周二十一里一石香山
又名靈龜山西南屬無錫西屬江陰

茯苓山在慶安鎮西北高數丈周三三百步下有龍潭

塢邱山在縣東三十五里近昆承湖

黃土山在元和塘南

穿山今在太倉州境

冶雞墩

在城北

羅墩

在尚湖南

韓墩

在河陽山北

蔡墩

在韓墩西

念思墩

在尚湖南

朱

扈墩

在福山

尚墅墩

在謝家橋

令狐墩

在二十都

歐陽墩

在縣西

石墩

在縣西

石墩

常昭合志

卷之二

山

三

在縣東九里

胭脂墩

在梅李鎮

淘沙墩

在梅李

胖沙墩

在岡身

石佛墩

在岡身

石佛墩

在岡身

烏目墩

在西門外

元武墩

在常熟縣署後巷

金姬墩

在湖橋西

水

常熟濱江昭文濱海百川滌滙由江海出口奈湖蕩諸水不敵江海潮汐之淤積出口日積而高外高而內窪則田受其病不止禹貢於無施勢者雖大亦畧費疏鑿者雖小必記為支為幹條分縷析不厭其詳

海

在縣東百里江流入海縣當其交會處自白茆浦徐六涇出浩瀚無極

江

在縣之北西接江陰泗濱浦東至太倉界之撐脚浦福山港居其中北對通州狼山屹嶮最稱險要

琴川

縣治前後潢港七派如琴弦然皆發源虞山東注運河第一在學士橋第二在鎮橋下第三在州橋下第四在慧日寺前第五在黃柏橋下第六在倉浜橋下第七在小洋子橋或云第五在市漕橋下第六在黃柏橋下第七在靈公殿前橋下今多湮塞 按述異記梧桐園在吳宮木吳王夫差舊園也一名鳴琴川吳郡志引之省鳴字曰琴川今人但知以

常昭合志

卷之一

水

一

形似命名不復尋梧桐園之緣起矣

運河

在城內北自鎮海門南達顯星橋長四百一十八丈舊闊二丈五尺今多湮塞縣界約畧循此東西分屬

福山塘

通四千二百二十丈今自鎮海門外壽帶橋起北至坊浜口止東昭文西常熟

耿涇

坊浜起至大江口東昭文西常熟

黃涇

北自陳家市起南至七星橋止東昭文西常熟

新開洪

西自七星橋起東至白茆南常熟北昭文惟沿湖港至沈浜港號字號屬昭文

白茆

北自新開洪口起南至蓮涇口止西常熟東昭文

蓮涇

北自白茆起南至五丈涇止西常熟東昭文惟又涇橋東境 號一圩屬常熟

黃始浜

北自大山涇起東南至李市山涇止東與北屬昭文西與南屬常熟惟黃始浜口東一圩屬常熟

南山涇

自李市起南至七浦塘長一千七百丈東昭文西常熟

七浦

東自山涇口起西至石牌灣正南昭文北常熟 西自山涇口起東自潔字號止北岸太倉界 南岸西自新陽界

毛沙塘起東至吳塘口止俱昭文

已上常昭合治

尚湖

在縣城西長十餘里寬數里亦名西湖北有浪澄塘受陳浦奚浦三丈浦山東塘黃泗浦新莊港等由江南注之水入之西北有嚴塘讓塘受江陰東注之水入之西有泄水港張墓塘受潘塘官祿塘大河塘官蕩及無錫東注之水入之虞山橫列如障而諸水匯蓄其前水光山色朝霏夕陰氣象千變為一邑勝故又名照山湖

昆承湖

在縣城南南北長十四五里東西寬七八里地處最下受四面之灌輸雖有元和塘石岸障其西而所在坍塌不足以禦江陰無錫建甌東注之水雖有鹽鐵塘岡阜障其東而岡門久廢不足以遇東高鄉入于頃溝渠西瀉之水所賴七浦承其尾間白茆挹其旁脅而下流高曲易塞難通一遇潦年積水旁淹渺然無際矣

華蕩

在縣南十五里西受楊尖塘宛山塘之委流出陳埭橋口起稍帶東南行三里蕩南有平市港蕩北有趙家墳此處闊六七里又東三里蕩北有練塘口蕩東南有木牌舍又東三里入元和塘長十餘里腹底之間烟波浩渺近口三四里

常昭合志

卷之一

水

三

菴蒲叢雜舟行有戒心焉

佳菱蕩

在楊尖塘南東西三里南北四里西南接王巷蕩宜家蕩宛山蕩四蕩相連彌望巨浸

宛山蕩

起釣瀆渡東入佳菱蕩又東逕廟橋港又東入華蕩凡十二三里

官蕩

在大河市東南濶里許長二三里南抵王莊塘

陶蕩

有三合為一在吳塔南南北二三里東西三四里

草蕩

在蕭涇上流南北半里東西一里俱蘆菰荻葦

畢澤

在蕭涇旁淵然一潭凸入崑山界中

元和塘

俗訛雲和塘亦名州塘自縣至郡之通渠也起南關外南行過三里橋十里浦又南逕華蕩至二十里鋪又南過張家田至吳塔塘口又南至界牌入長洲界凡三十六里唐元和中和濬治之故名

新安塘

起鎮城南甯十餘丈河形最直故又名箭河南行過陳涇洪涇潭塘蛇涇諸口凡十餘里河始狹又南數里至

聚福菴西為塘底過壩南接界河

黃涇

長三十六里自七星橋已上十五里別詳界河由橋南過田家洪灌注捨宅河語廉涇雙鳳涇諸口又南至西湖涇

口縣界止此又南入長洲崑山二縣界

尤涇 起新開洪南南行七里過唐墅又南三里有湖涇巨前又南二里有界涇巨前南為崑山界又南一里抵七浦出斜

堰闡又南五里入巴城湖

已上南條諸河

嚴塘 起江陰至界墩入境東流三里過嚴塘莊四里過西徐市又東南四里至讓塘橋易名讓塘

讓塘 自橋下東流至港口上接浪澄港讓塘之南有徐塘余塘新塘龍駒塘之屬土人謂之段裏河其通行者為陶王

浜陳宕浜俱入浪澄港

大和塘 亦名王莊塘自王莊東流稍北過大和市西又東入官蕩又東過張墓橋入尚湖共十三四里

山塘 起湖橋上承浪澄港東南流四里過落星港又東四里過錢園又東六里抵西關

楊尖塘 起楊尖市東東流十里南入華蕩

常昭合志 卷之一 水

已上西條諸河

福山港 起大江進港口鎮南過舊開旁又南過福山城出蕭家橋又南過坊浜口常昭分屬又南左過羅家塘口右過

九浙塘口全屬常熟又南過李家橋兩縣分屬又南抵北水關舊云三十六里實二十七里

鹽鐵塘 古名內河起江陰向東繚繞百餘里復經太倉嘉定直抵黃浦共長三百餘里縣境自洞瀆涇入界東逕新莊

港黃泗浦三丈浦奚浦為大小陣浦所冲散原形盡佚土人復經開濬遂易名長壽塘東過福山塘原塘又見仍名鹽鐵

塘又東逕崔浦至耿涇入昭文界長六十里按此河之裏有上垠一條名為岡身貼傍河流用以分界高低不使渾潮

得入即郊廩所謂掘斷岡身致水亂行者是也今談水利者罕知之矣

奚浦 起大江南流過奚浦市又南三里逕鹽鐵塘七里過田莊市又南出港口易名浪澄港

浪澄港 起港口南過北渡橋又南過大義橋又西南過白宕河口凡十五里東出湖橋

已上北條諸河

莫門塘 出尚湖南逕元和塘至莫城入昆承湖

斜橋塘 出尚湖南逕元和塘至莫城入昆承湖

連登浜 起黃涇西入元和塘

徐涇塘 起元和塘入昆承湖

洋蕩 東合斜橋塘南至莫城前港

黃墓涇 起元和塘東入大港

大蕩 元和塘東接殷莊涇

魏涇 泥金橋下東入大港

廟涇 東過西廟涇又東抵西張涇

大潭蕩 東之張家田東過新安塘又東數里出徐涇塘

中潭蕩 東抵新安塘

張港涇 東入新安塘

東橫涇 起黃墓涇南南逕廟涇抵徐行壩

大港 起東橫涇東至莫城前港

張涇 東西二河同出大港南過東始莊入分鄉涇

高涇 大港南入大潭蕩

顧涇 東入薄河

薄河 顧涇南過薄河橋吳塔塘南出陶蕩

尖涇 顧涇北東入新安塘

落星港 薄河東入新安塘

常昭合志 卷之一 水

三

分鄉涇 亦名戴家浜西張涇東入新安塘

吳塔塘 東至薄河橋抵廣福菴

單長涇 東入西陶蕩

李王浜 西接吳塔塘東南至新安塘

已上元和塘以東諸河

龍涇 出昆承湖西南過洪涇南入大潭蕩

呂涇 昆承湖南入大潭蕩

六十一涇 昆承湖南入大潭蕩

周涇 昆承湖南逕大潭蕩南入蛇涇

大陳涇 東南入昆承湖

前洪涇 東入六十二涇

後洪涇 東抵木杓涇西接分鄉涇

橫涇 起六十二涇東抵呂涇下接羊浩涇

羊浩涇 東入時涇塘

橫塘 西接夏黃樓東入時涇塘

蛇涇 東入時涇塘

沼涇 南抵橫塘

已上新安以東諸河

時涇塘 起昆承湖逕大潭蕩又南為六行塘

大洪 七星橋西南入昆承湖

田家洪 七星橋南西南入昆承湖

橫涇 時涇塘東合捨宅河

桑婆浜

曹家浜 田家洪南入捨宅河

泗涇 橫涇南逕大潭蕩抵界涇

青魚塘 起捨宅菴前南入下段涇

下段涇 起時涇塘東王家壩東入雙鳳涇

雙鳳涇 草蕩南東北入黃涇

進寶涇 雙鳳涇西南入強湖塘

東潭塘 起時涇塘東抵蕭涇

蕭涇 草蕩南逕畢澤入長洲界

已上黃涇以西諸河

新開洪 七星橋出白茆塘

灌涇 黃涇北入儒家浜

廟涇 黃涇東入新涇

語濂涇 黃涇東北入尤涇

常昭合志 卷之一

水

三

沈浜 新開洪南東入灌涇

宗家浜 新開洪南東入下段浜

儒家浜 新開洪南入新涇

新涇 儒家浜南入語濂涇

東涇 語濂涇南入觀在涇

西舍涇 舖段圩南出語濂涇

已上尤涇以西諸河

高全夾 尤涇東入白茆

香界涇 尤涇東入白茆

南香界涇 尤涇東北合北香界涇

西山涇 尤涇東過釣鮮關東至五了耽

舍浜 尤涇東至西灣入釣鮮濃

下澤浜 尤涇東涇白潭入釣鮮濃

東湖涇 尤涇東至顏家灣合斗門涇過界涇南入七浦

南山涇 五了口過山前嘴逕永墩涇合後湖涇東湖涇

後湖涇 南山涇入唐涇涇

北十字河 西山涇過白潭南入金莊浜

金莊浜 唐市東

楊家浜 東入唐洞涇

張四娘浜 金莊浜南入東湖涇

釣鮮濃 西山涇南入螞蝗浜

南螞蝗浜 十字河東入黃姑浜

黃姑浜 東入山涇今為常昭合界

周涇 黃姑浜南入東山涇

永墩涇 四了口東入周涇

唐洞涇 南山涇東

鹿涇 唐洞涇東入東山涇

蘆場涇 入唐洞涇

鳳涇 深涇東入鹿涇

深涇 後湖涇東南至石牌入七浦

爛甲河 唐洞涇東入七浦

已上尤涇以東諸河

官祿塘 顧山南流過雙墩南過北泉橋大河市南官蕩

潘塘 顧山南過北莊橋東南合泄水港

泄水港 大河塘南入尚湖

常昭合志 卷之一 水

三

潼莊角河 大河塘北東抵曹家壩

石穿浜 金匱界東北入大河塘

陳塘 曹墩東抵陳塘壩

冶塘 官蕩南入羅墩塘

石塘 石穿浜南抵葫蘆墩

已上大和塘左右諸河

錢花港 東出尚湖

徐家橋浜 東合丁家浜

羅墩塘 東南合六里塘

六里塘 本名仁塘吉家橋北出仁塘入白蕩又東入元

和塘

練塘 王存河東北過吉家橋東練塘市五里入華蕩

丁家港

古全浜

顧家港 尚湖南入羅墩塘

成涇

藕塘 尚湖南入六里塘藕塘分流為師姑浜

呂墓涇 白魚涇東北入元和塘

已上山塘以南諸河

沙堰河 初名橫塘

道林河 東南入練塘

雙涇 王存河東入道林河

馬墅河 楊尖北界涇東北過周通橋抵閘河

鳳凰河 邵婆河起楊尖塘北抵沙堰河

王存河 亦名席家浜楊尖塘北抵鳳凰河

已上楊尖塘以北諸河

山涇 宛山蕩東入華蕩

石橋浜

唐莊浜 山涇南入宛山蕩

慕瀆河 山涇南入宣家蕩

陶家浜 界涇南入宛山蕩

銅涇 楊尖蕩南入佳菱蕩

丫歡河 楊尖蕩東入莊橋河

翁家港 佳菱蕩東入東村河

鬪龍河 廟橋港南入界涇

橫塘 東入張潮河

常昭合志 卷之一 水

旱

東村河 東北接香塘南至黃泥橋

周家港 黃泥橋東抵張潮河

花梨河 抵長洲界

北錢舍涇 東入元和塘

杭涇 東入元和塘

潰涇 東入元和塘

馬涇 東入元和塘

銅港涇 長洲界莊浜入境出元和塘

張潮河 亦名平市港華蕩南過平市東南為黃梅雨河

已上楊尖塘華蕩以南諸河

耿涇 大江南流入梅李塘

崔浦 耿涇西

已上福山港以東諸河

西洋港 南至陶橋入長壽塘

陳浦 南至廟橋入北橫塘

王巷港 南入鹽鐵塘

顧新塘 陶橋南至大壩

李埭塘 東橫塘南入河涇

中涇 南入九浙塘

河涇 奚浦東南接景市塘

長壽塘 東出福山港

竺塘 港口北東出福山港

東橫塘 游河潭東北為北橫塘

白龍港 小山頭環過虞山東出福山港

九浙塘 浪澄港東東出福山港

已上福山港以西諸河

三丈浦 大江南流過鹿苑鹽鐵塘南出河陽橋東入奚浦

黃泗浦 鹽鐵塘西南入江陰界

新莊港 東入黃泗浦

烏沙港 江南入鹽鐵塘

山東塘 北接蔡舍塘東南過河陽山入三丈浦

水北塘 南流入驚塘

橫塘 黃泗浦東入三丈浦

接善塘 黃泗浦東抵三丈浦

驚塘 驚山東入山東塘

常昭合志 卷之一 水

里

已上奚浦以西諸河

統計支幹諸河自尚湖起至驚塘止悉隸常熟縣境

白茆塘 自迎春門運河分流西合山塘尚湖昆承諸水東經五渠雒浦卸甲新市支塘鹽鐵湖漕李墓塘歸家市台南

舊塘 北港張家市雙浜橫浦大開六尺溝周家市舊塘口龍王廟沙營塘出海延袤九十餘里

梅李塘 自寶湯門外合城壕東流南分青墩浦北合耿涇塘蜃涇花板塘清水港至梅李鎮經鹽鐵塘至許浦口東接

李墓塘 至周涇口北達小吳市徐六涇入海 按府志東自賀勝橋起西至淘沙涇二千二百二十五丈

鹽鐵塘 古名內河吳王濞為運鹽鐵而設西連江陰入常熟自耿涇海陽塘大坐塘折而南過梅李塘長毫塘支塘度

白茆南行賀舍蔡涇赤沙塘陳涇斷港入太倉界直達吳淞江入海

許浦 北自海口起謝家灣南至梅李塘賀勝橋二千一百九十九丈宋韓世忠提兵勤王出許浦入孝宗圖恢復立水軍塞

於此控扼南北之重也鎮今涇塞已久地險非復昔時矣

花板塘 南自梅李塘虹橋起北
經耿涇西入福山塘

已上北路

李墓塘 南自白茆岳廟起北至周涇口入
海長二千九百丈亦名里陸塘

青墩塘 西自尖口梅李塘分流經石墩塘青墩
錢家倉湖口呂里村南至三了入白茆

長毫塘 東南自鹽鐵塘起西至新徐
市蘇家尖三了港入白茆

已上中路

橫瀝塘 西自鹽鐵塘起經何家市花橋東入太倉
州界郊宜云岡身東一塘徹松江過常熟

赤沙塘 西北自橫塘起經鹽鐵塘
葑漲南港入太倉州界

已上南路

哮塘 耿涇有東
西二條

寺莊塘 西通
許浦

常昭合志 卷之一 水

里

中沙塘 北入海南
接干步涇

朱堰塘 北接唐浦
南通鹽鐵

溢上塘 北接海洋塘
南通鹵簿涇

筍村塘 北至穆家浜
南通梅李塘

大垞塘 北接海洋塘
南通河村

海洋塘 南通鹽鐵塘
北彭家橋

鵝城港

倭港 北通
大江

橫港 東通許浦
西通文村

千門涇 通甘
涇

劉港涇 通甘
涇

焦莊涇 通哮
塘

鹵簿涇 南通梅李塘
俗名羅木涇

壽陽涇 通福
山塘

長連涇 通耿
涇

扈城涇 通福
山塘

雁蕩涇 通耿
涇

甘涇 通鹽
鐵塘

蜃涇 通梅
李塘

潮涇 通耿
涇

浪夾浜 通許浦

瞿舍洪 通坊浜

矮橙浜 通福山塘

吳家浜 通孝涇

野兒漕 通耿涇

已上北路

月河塘 北通梅李塘南接鹽鐵塘

東季塘 北通鹽鐵塘

白艾塘 東通白茆北通金涇

陸巷塘 通鹽鐵塘

洋塘 通李墓塘

嚴塘 通干步涇

丫塘 通鹽鐵塘

送塘 通溢上塘

石墩塘 南通青墩浦北通梅李塘

言港 西通城壕東通華滙

華滙 周圍可十餘里其水清漣西北望虞山涵演玲瓏比於尙湖景致堪相匹

常昭合志 卷之一 水

壘

清水港 北通海李塘南通二丫港

南港 太倉界進賢涇起至吳市

北港 南北俱通白茆

黃沙港 白茆至吳市金涇吳澄涇

高家港 通白茆

雉浦港 南通白茆北通青墩浦

避湖涇 通清水港

嚴沙涇 通元涇

蔣涇 東西二涇通白茆

陸涇 有大小二涇通清水港

馬莊涇 通白茆

純陽涇 俗名陳洋涇

鄉界涇 西通白茆

鳳凰涇 西通白茆

婁涇 有東西二涇

黃綠涇 北通梅李

嚴洞涇 有二涇俱通鹽鐵塘

元涇 有東西二涇

寺涇 有東西二涇北通梅李

鶯涇 通梅李月河

珍門涇

通鹽鐵塘西
通三了港

楊州涇

通徐
六涇

徐六涇

北通大海南
至李墓塘

高仙涇

通鹽
上塘

何莊涇

通長
毫塘

貴涇

通鹽
鐵塘

長樂涇

通鹽
鐵塘

湖橙涇

北連
高浦

司馬涇

南通
唐浦

陶涇

北通
大江

張先生涇

通白
茆

姚公涇

通白
茆

古秋涇

通白
茆

花園涇

通白
茆

董家涇

通貴
涇

扎營涇

通朱
堰塘

舍涇

站涇

通貴
涇

歸家涇

王家涇

常昭合志

卷之一

水

畧

珠璣洪

抄鮎洪

已上中路

橫塘

在在有之白茆南通七浦者東日上橫塘西日下橫塘任
陽塘南與上橫塘相對者名日南橫塘白茆塘南經湖漕

橫塘市東至太倉界亦名橫
塘唐浦西通千步亦號橫塘

蘆漚塘

通鹽
鐵塘

官莊漚

白茆塘南
山涇口北

前港

西通黃涇白茆 迎春橋
下通演武場者亦日前港

陸河港

通白
茆

蕭涇

通黃涇白茆
在在有之

葑涇

通黃姑浜
凡有三處

蔡涇

通鹽
鐵塘

陳涇

山涇起通
太倉界

雙鳳涇

一名鷺鷥涇
西通南山涇

雙橋涇

有東西二涇
通鹽鐵塘

譚孔涇

北通
陳涇

蒲塹涇 南通七浦

沈塔涇 東通白茆

磚窰涇 北通陳涇

李涇 通白茆

王涇 西通鹽鐵塘

戴公涇 通白茆

支塔涇 白茆南

柘涇 通橫瀝

莊涇 通赤沙塘

黃涇 通六尺溝

長涇 有二處

梧桐涇 通塢坵涇

倒插涇 通七浦

周家涇

蘇家涇

楊樹涇

史家涇

高家涇

毛家涇

直下涇

常昭合志 卷之一 水

畧

硃砂涇

馬田涇

花八涇

天打涇

靴腳涇

中涇 已上俱白茆南

白魚涇 東通白茆西通新開洪

祈漕 通陳涇

毛漕 通赤沙塘

尤漕 通白茆

蝦妾岸 戈莊塘北

統計支幹諸河自白茆塘起至蝦妾岸止悉隸昭文縣境

常熟縣界河

西北界河 洞瀆河起大江上河西即江陰之楊舍由河內南逕鹽鐵塘至界涇橋東南至西唐墅過山河壩由山河

內行過黃泗浦進三條河東抵樊家壩由界岸陸行里許至界墩過嚴塘南過下市西西南抵官祿塘又西抵顧山已

上俱江
陰縣界

西南界河

起顧山東西南過王莊市由段內水陸兼行西南山北舍口過楊尖市又西南過大仁橋南下宛山蕩東南逕宣家蕩鳥嘴渡王巷蕩西白米蕩東白米蕩又東過白衣河又東至界涇關又東至鈞鈞灣係三交界處西為金匱南為元和已上俱金匱縣界

西南界河

起鈞鈞灣東至十字港口轉南過談家壩東北涇濱涇又東逕陶舍涇抵界岸東逕莊浜南人銅港又東由錢舍涇出元和塘東入南陶蕩又北抵新安塘過壩東北過沼涇底由界岸陸行抵濟民塘北入蛇涇東過時涇塘至鬼浜以浜東大荒岸為界循朱家浜北岸東逕畢澤至進寶涇又東由界涇入黃涇已上俱長洲縣界

東南界河

起黃涇南之強湖塘口東逕西湖涇趙涇南入界涇又東過尤涇又東南由斗門涇入七浦塘由塘內曲折行東南過石牌灣又東南至毛沙塘口已上俱崑山縣界

東北界河

起耿涇口南入鹽鐵塘向西自花莊轉南過王市又南行轉西過崔浦口又南行轉西入蘆荻涇西南入

常昭合志

卷之二

水

巽

新涇又由慈姑浜入坊浜西出福山港由港內南至羅家塘口又東至楊樹灣東南出小橋入耿涇又南進孝塘口又西出福山港南抵北水關按分縣時定議以河為界北以耿涇南以黃涇俱取大河全身為界則徑直分明後因浙縣附郭單薄故於福耿二塘之間割坊浜以南一畝屬新縣未免割裂遂成相錯之勢

東南界河

起小東門新塔下進黃涇東南過落星港口又過南前港下定洪諸口至七星橋入新開洪東過儒家浜口又東北過尤涇口由白茆塘由縣內南過香界涇口大黃浜口又東過廟涇口東南逕蕪涇南至山前嘴轉東由黃姑浜至李市轉南由東山涇過唐洞涇口又東南過鹿涇口八七浦塘西南過爛甲河口又西南至石牌灣南左有毛沙塘口與南面界河會已上二條常熟昭文分界

昭文縣界河

鹽鐵塘一段

張涇口起

湖漕一段

張涇一段

晉賢涇

毛漕

渠涇

南港一段

潘涇

吳塘 七浦南 已上太倉

州合 治

界浦

毛沙塘

南斜塘 已上新陽 縣合治

潮汐 附

潮信

每月初二初三初四及十七十八十九共六日謂之大信

之積此處尤劇以其強弩之末僅能送之入不能挾之歸也
初五以後二十以後潮痕日縮謂之小信漲不過二三尺遠
者竟不至矣若嚴冬迺寒名凍殺潮往往有其名
而無其實是以邑之冬鄉運米上倉極為勞苦

潮候

初一十六並寅初申初平初二十七並寅正申正平初三
十八並寅末申末平初四十九並卯初酉初平初五二十

並卯末酉末平初六廿一並辰初戌初平初七廿二並辰正
戌正平初八廿三並辰末戌末平初九廿四並巳初亥初平
初十廿五並巳正亥正平十一廿六並子初午初平十二廿
七並子正午正平十三廿八並子末午末平十四廿九並丑

常昭合志

卷之一

水

學

初未初平十五三十並丑正未正平 按潮水入內大抵來
三時去三時去之時稍有餘而內地之潮常後於海口約差

一個 時辰

潮風

南風西風潮至不盛東風稍盛北風大盛西北次之東北
風最盛謂之風潮潮水上田可一二十里非惟田禾悉掩

沒廬舍亦有漂去者土人謂之潮漫

潮時

冬最小春夏漸大秋最盛七八月間稻開花荳生
莢木棉結子風潮一至無所不敗土人尤所畏忌

